

Das sind mier

Bi de siegfried bau ag in Oberengstringe
dörfed mer eusi meischti Zit verbringe
Tag ii, Tag uus
mit ganz vill Pfuus
tüemer um Gunscht vo de Chundschaft ringe

Do gits e Bürofrau vo Buchs
biiged Zahle, isch euse schlaui Fuchs
macht d'Löhn, Kredi, Debi
bstellt de Kafi
ghört und gseht guet winen Luchs

E Zweiti isch vo Nussbaume bi Bade
verlüürt nume sälte de Fade
sie offeriert, git Gas
macht Dies und Das
und schmeisst mit de Andere de Lade

Euse Bigboss chunnt vo Bülach
gseht uf Anhieb, was isch Sach
a Ort und Stell
reagiert er schnell
bringt Lösige ohni Ach und Krach

Euse Schribtischtäter vo Aristau
isch lieber im Büro als uf em Bau
het s'Ganzi unter Kontrolle
bringt alles is Rolle
und macht d'Abrächnige haargenau

Eine wohnt sogar in Oberengstringe
vermag vo villne Erläbnis es Liedli singe
schnäll het er kapiert
wies im Büro funktioniert
und hät chöne früsche Wind id Firma bringe

En Andere chunnt vo Wädswil
het zum Lerne grad ziemli viel
fürs Gschäft organisiere
i de Prüefige brilliere
Baufüehrer heisst sis grosse Ziel

Mer händ Baustellelüüt vo Züri und em Aargau
sie sind s'Herzstück vo de siegfried bau
chrampfed, schwitzed
stämmed, spitzed
ihne gebührt de Dank und s'abschlüssendi Wow!

Denn zu eusne Chunde us de ganze Region
fordered täglich, sind eusi Motivation
ohni sie gäbs keis Gedicht
wärs nume en erfundni Gschicht
drum ab is 23i uf e witeri spannendi Mission

Ihri siegfried bau ag



TEAMWORK